

**- UPRAVNI ODBOR -**

Broj: 02-22-1/21.

Sarajevo, 06. 07. 2021. godine

Z A P I S N I K**SA 7. VANREDNE SJEDNICE UPRAVNOG ODBORA INTEGRIRANOG
UNIVERZITETA U SARAJEVU****ODRŽANE 06. 07. 202. GODINE S POČETKOM U 13:00 SATI**

Prisutni članovi Upravnog odbora (pozvani putem e-maila): predsjednik dr. sc. Murat Ramadanović, gosp. Sifet Kukuruz, g-đa. Belma Trajkov, prof. dr. Jasminka Gradašćević-Sijerčić, prof. dr. Dijana Avdić, prof. dr. Kasim Bajrović, prof. dr. Abidin Deljanin i Hamza Vahid El-Din, predstavnik studenata.

Odsutni članovi Upravnog odbora: dr. sc. Mersiha Slipičević, prof. ddr. Lidija Zvačko i akad. prof. dr. Dejan Milošević (opradano odsutni).

Ostali prisutni (obaviješteni putem e-maila): prof. dr. Rifat Škrijelj, rektor Univerziteta u Sarajevu, gospodin Ekrem Čagalj, interni revizor, prof. dr. Sahrudin Sarajčić, izvršni direktor, Berina Smajlović, rukovodilac Službe za prave poslove, Belma Hajradinović, viši stručni saradnik za pravne poslove i Semir Đilić, viši stručni saradnik za pravne poslove.

Ostali odsutni: prof. dr. Tarik Zaimović, prorektor za finansije, prof. dr. Dženana Husremović, prorektorica za nastavu i studentska pitanja, prof. dr. Mirza Dautbašić, prorektor za naučnoistraživački rad, prof. dr. Enita Nakaš, prorektorica za međunarodnu saradnju, prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport, prof. dr. Dušanka Bošković, prorektorica za kvalitet i Kenan Filipović generalni sekretar.

Sjednica je počela u 13:00 sati.

Dr. sc. Murat Ramadanović, predsjednik Upravnog odbora Univerziteta u Sarajevu, konstatirao je da postoji potreban kvorum za odlučivanje, te da sjednici prisustvuje 8 (osam) članova Upravnog odbora, nakon čega je otvorio 7. vanrednu sjednicu Upravnog odbora Univerziteta u Sarajevu (dalje: Upravni odbor).

U daljem toku sjednice, Upravni odbor je sa 8 (osam) glasova „za“, usvojio dnevni red, kako s l i j e d i:

D N E V N I R E D

1. Provođenje rješenja Općinskog suda u Sarajevu o izmjenama podataka u sudskom registru Univerziteta u Sarajevu i organizacionih jedinica Univerziteta u Sarajevu
2. Donošenje odluke o provođenju vanrednog popisa imovine, neimovinskih prava i obaveza organizacionih jedinica Univerziteta u Sarajevu

3. Donošenje odluke o provođenju finansijske konsolidacije između Univerziteta u Sarajevu i organizacionih jedinica Univerziteta u Sarajevu
4. Donošenje odluke o usaglašavanju Plana javnih nabavki Univerziteta u Sarajevu za 2021. godinu

T O K S J E D N I C E

Ad-1.

U okviru *tačke 1.* članovi Upravnog odbora Univerziteta u Sarajevu su primili k znanju rješenja Općinskog suda u Sarajevu o izmjenama podataka u sudskom registru Univerziteta u Sarajevu i organizacionih jedinica Univerziteta u Sarajevu.

Ad-2.

U okviru *tačke 2.* članovi Upravnog odbora Univerziteta u Sarajevu su na prijedlog rektora Univerziteta u Sarajevu, a u vezi sa Odlukom Skupštine Kantona Sarajevo o pripajanju fakulteta, akademija i naučnoistraživačkih instituta javne ustanove Univerziteta u Sarajevu sa svojstvom pravnog lica javnoj ustanovi Univerziteta u Sarajevu u okviru kojeg nastavljaju sa radom kao organizacione jedinice bez svojstva pravnog lica ("Službene novine Kantona Sarajevo", broj: 28/18), te u skladu sa Elaboratom o provođenju predmetne Odluke, utvrdili obavezu provođenja vanrednog popisa imovine, neimovinskih prava i obaveza organizacionih jedinica Univerziteta u Sarajevu.

Nadalje, Ministarstvo finansija Kantona Sarajevo je u svom Odgovor dostavljenom Univerzitetu u Sarajevu, broj: 08-14-28061/19 od 11. 07. 2019. godine, potvrdilo obavezu provođenja vanrednog popisa nakon statusnih promjena, a za period od početka godine do nastanka statusne promjene.

U okviru tačke otvorena je kraća diskusija u kojoj su uzeli učešće: gđin. Sifet Kukuruz i prof. dr. Jasminka Gradašćević-Sijerčić.

Gđin. Sifet Kukuruz je istakao da je neophodno naznačiti i to da će evidencije o rezultatima vanrednog popisa biti predmet pojedinačnih ugovora koji će biti zaključeni između rektora i rukovodioca organizacionih jedinica.

Nadalje, prof. dr. Jasminka Gradašćević-Sijerčić je predložila da u okviru tačke IX. bude predviđen i stav (2) kojim će utvrditi i to da će predmet ugovora biti imovine, obaveze i potraživanja koje budu popisani/evitetirani u toku predmetnog popisa.

U daljem toku sjednice, gđin. Sifet Kukuruz je istakao da ne neophodno u Prijedlogu Odluke promijeniti formulaciju tačke III., jer is iste nije jasno ko je obavezan i koje komisije imenovati.

Upravni odbor je *jednoglasno*, sa 8 (osam) glasova „za“, donio *s l j e d e ć u*

O D L U K U

**o sprovođenju vanrednog popisa imovine, obaveza i potraživanja
Univerziteta u Sarajevu za period januar - juni 2021. godine**

I

Sa stanjem na dan 30. 06. 2021. godine obaviti će se vanredni popis imovine i obaveza, čiji predmet je utvrđen Pravilnikom o popisu imovine i obaveza Univerziteta u Sarajevu broj: 02-2964/16 od 27. 04. 2016. godine (u daljem tekstu: Pravilnik) i Pravilnikom Ministarstva finansija Kantona Sarajevo o kriterijima za rashodovanje, otpis, knjiženje viškova i manjkova stalnih sredstava i sitnog inventara i otpis potraživanja broj: 08-01-14-25886/14 od 30. 11. 2004. godine i drugim važećim propisima.

II

(1) Za sprovođenje vanrednog popisa imovine i obaveza rektor Univerziteta imenuje Centralnu popisnu komisiju, koja je dužna provesti popis na nivou Univerziteta kao integrirane visokoškolske ustanove.

(2) Predmet popisa iz stava (1) ove Odluke je:

- Imovina, koju posjeduju, koriste, njome upravljaju ili imaju pravo raspolaganja organizacione jedinice koje čine sastavni dio integrisanog Univerziteta, kao i svih obaveza i neimovinskih prava na datum pripajanja.
- Poreske obaveze, kao i potvrdu sa kupcima i dobavljačima organizacionih jedinica koje čine sastavni dio Univerziteta.
- Prava iz autorskih djela, patenata i licenci, kao i obaveza na referentni datum pripajanja, organizacionih jedinica koje čine sastavni dio integrisanog Univerziteta.
- Sudski sporovi, koji su u toku (u postupku) koji obavezno sadrži sažeti opis prirode spora, procjenu finansijskog učinka koji može proisteci iz sudskog spora kao obaveza ili imovina, te procijenjeno vrijeme odliva/priliva sredstava.

(3) Za realizaciju aktivnosti iz stava (2) ove odluke u svojstvu koordinatora vanrednog popisa imovine i obaveza zadužuje se predsjednik Centralne popisne komisije.

(4) Za imovinu iz tačke I. ove odluke ovlašteno lice je obavezno podnijeti zahtjev nadležnom Zemljišno-knjižnom uredu za prenos prava vlasništva u skladu sa Odlukom Skupštine Kantona Sarajevo o pripajanju fakulteta, akademija i naučnoistraživačkih instituta javne ustanove Univerziteta u Sarajevu sa svojstvom pravnog lica javnoj ustanovi Univerziteta u Sarajevu u okviru kojeg nastavljaju sa radom kao organizacione jedinice bez svojstva pravnog lica ("Službene novine Kantona Sarajevo", broj: 28/18), te u skladu sa Elaboratom o provođenju predmetne Odluke.

III

U skladu sa ovom Odlukom, rektor/dekani Univerziteta dužni su na nivou Rektorata Univerziteta u Sarajevu odnosno na nivou organizacionih jedinica imenovati centralne popisne komisije, kao i pojedinačne komisije na nivou organizacionih jedinica.

IV

(1) Pojedinačne popisne komisije organizacionih jedinica obavezne su izvršiti redovni popis imovine i obaveza do 16. 07. 2021. godine.

(2) Centralne popisne komisije organizacionih jedinica obavezne su svoje izvještaje dostaviti Centralnoj popisnoj komisiji Univerziteta u Sarajevu do 20. 07. 2021. godine, a u skladu sa pisanom instrukcijom Centralne popisne komisije Univerziteta u Sarajevu.

V

Rektor Univerziteta u Sarajevu obavezan je dostaviti Upravnom odboru na usvajanje Izvještaj Centralne popisne komisije Univerziteta najkasnije do 27. 07. 2021. godine.

VI

(1) Rektor Univerziteta u Sarajevu je obavezan putem ovlaštene osobe zadužene za koordinaciju između Centralne popisne komisije Univerziteta u Sarajevu i Popisne komisije

Kantona Sarajevo dostaviti Izvještaj popisnoj komisiji Kantona Sarajevo do 28. 07. 2021. godine.

(2) Popisna komisija Kantona Sarajevo svoj objedinjeni Izvještaj dostavlja Vladi Kantona Sarajevo u roku utvrđenom od strane Ministarstva finansija Kantona Sarajevo.

VII

Usklađivanje rokova iz tačke IV, V i VI ove Odluke može se naknadno vršiti na osnovu odluka Ministarstva finansija Kantona Sarajevo u vezi provođenja vanrednog popisa imovine, obaveza i potraživanja.

VIII

Univerzitet u Sarajevu i organizacione jedinice se obavezuju da nakon usvajanja Izvještaja Centralne popisne komisije Univerziteta u Sarajevu od strane Upravnog odbora Univerziteta u Sarajevu i donošenja zaključka Vlade Kantona Sarajevo o otpisu stalnih sredstava i sitnog inventara iz Izvještaja o popisu sredstava, obaveza i potraživanja budžetskih korisnika koji su u evidenciji Jedinstvenog računa Trezora Kantona Sarajevo na dan statusne promjene pripajanja fakulteta, akademija i naučnoistraživačkih instituta Univerzitetu u Sarajevu, a na osnovu utvrđenih viškova i manjkova izvrše otpis.

IX

(1) Rezultati vanrednog popisa utvrđeni ovom Odlukom bit će evidentirani prilikom sačinjavanja finansijskih izvještaja organizacionih jedinica Univerziteta u Sarajevu za period 01. 01. 2021. do 30. 06. 2021. godine.

(2) Evidencije o rezultatima vanrednog popisa iz stave (1) ove tačke će biti predmet pojedinačnih ugovora koji će biti zaključeni između rektora i rukovodioca organizacionih jedinica, utvrđenih Odlukom Skupštine Kantona Sarajevo o pripajanju fakulteta, akademija i naučnoistraživačkih instituta javne ustanove Univerziteta u Sarajevu sa svojstvom pravnog lica javnoj ustanovi Univerziteta u Sarajevu u okviru kojeg nastavljaju sa radom kao organizacione jedinice bez svojstva pravnog lica ("Službene novine Kantona Sarajevo", broj: 28/18).

X

Za realizaciju ove Odluke zaduženi su rektor Univerziteta i rukovodioci organizacionih jedinica Univerziteta.

XI

Ova Odluka stupa na snagu danom donošenja.

U daljem toku diskusije, prof. dr. Jasminka Gradašćević-Sijerčić je istakla da je neophodno naznačiti u nazivu Odluke, šta je predmet odluke tj. da je neophodno naznačiti da se ista odnosi na provođenje radnji na usaglašavanju podataka o nekretninama u zemljišnim knjigama integriranog Univerziteta u Sarajevu.

Upravni odbor je *jednoglasno*, sa 8 (osam) glasova „za“, donio *s l j e d e ć u*

ODLUKU

o provođenju radnji na usaglašavanju podataka o nekretninama u zemljišnim knjigama integriranog Univerziteta u Sarajevu

I

Obavezuje se rektor Univerziteta u Sarajevu da putem Služba za upravljanje imovinom Univerziteta u Sarajevu da na temelju vanrednog popisa imovine, obaveza i potraživanja Univerziteta u Sarajevu za period januar - juni 2021. godine, a u koordinaciji sa stručnim službama organizacionih jedinica izvrši provjeru evidencije nekretnina koje koristi Univerzitet u Sarajevu i organizacione jedinice u skladu sa Registrom nekretnina organizacionih jedinica Univerziteta u Sarajevu iz Odluke Skupštine Kantona Sarajevo o pripajanju fakulteta, akademija i naučnoistraživačkih instituta Univerziteta u Sarajevu, pri čemu fakulteti, akademije i naučnoistraživački instituti gube pravni subjektivitet i nastavljaju sa radom kao organizacione jedinice Univerziteta bez svojstva pravnog lica („Službene novine Kantona Sarajevo”, br. 28/18), (dalje: Odluka Skupštine Kantona Sarajevo) odnosno izvrši kreiranje novog registra.

II

Obavezuje se rektor Univerziteta u Sarajevu da putem Službe za upravljanje imovinom Univerziteta u Sarajevu u koordinaciji sa stručnim službama organizacionih jedinica izvrši upis imovine sa organizacionih jedinica na Univerzitet u Sarajevu u skladu sa Odlukom Skupštine Kantona Sarajevo, Elaboratom o provođenju Odluke Skupštine Kantona Sarajevo o pripajanju fakulteta akademija i naučnoistraživačkih instituta Univerziteta u Sarajevu i Rješenjem Općinskog suda u Sarajevu o izmjenama podataka broj: 065-0-Reg-19-002234 od 01. 07. 2021. godine.

III

Obavezuje se rektor Univerziteta u Sarajevu da putem Službe za upravljanje imovinom Univerziteta u Sarajevu i u koordinaciji sa posebnom Komisijom, koju imenuje, provede postupak ispravke podataka u zemljišnim knjigama u pogledu nekretnina koje koristi/čiji je titular Univerzitet u Sarajevu i organizacione jedinice, tako što će podnijeti zahtjeve za upis u slučaju da nisu upisani u zemljišne knjige, kao i postupak prema nadležnom sudu za pretvorbu prava upravljanja, korištenja i raspolaganja u pravo vlasništva.

IV

Ova odluka stupa na snagu danom donošenja.

Ad-3.

U okviru *tačke 3.* razmatran je Prijedlog Odluke, koju su članovi Upravnog odbora bez prethodno provedene diskusije, sa 8 (osam) glasova „za“, donijeli u formi kako *s l i j e d i*

O D L U K U

o provođenju finansijske konsolidacije između Univerziteta u Sarajevu i fakulteta, akademija i naučnoistraživačkih instituta Univerziteta u Sarajevu

I

Na datum statusne promjene pripajanja 01. 07. 2021. godine fakulteta, akademije, naučnoistraživačkih instituta čiji je osnivač Kanton Sarajevo pravnom licu Univerzitetu u Sarajevu, provodi se **finansijska konsolidacija** između Univerziteta u Sarajevu i fakulteta, akademija i naučnoistraživačkih instituta Univerziteta u Sarajevu.

II

Na datum statusne promjene pripajanja 01. 07. 2021. godine, fakulteti, akademije i naučnoistraživački instituti zatvaraju poslovne knjige kao samostalna pravna lica i sastavljaju finansijski izvještaj za period od 01. januara 2021. godine do datuma pripajanja a u skladu sa bilansom stanja iz Glavne knjige Trezora Kantona Sarajevo na dan pripajanja.

III

Fakulteti, akademije i naučnoistraživački instituti obavezni su uskladiti početna stanja i bilansne pozicije sa pravnim slijednikom Univerzitetom u Sarajevu.

IV

Kao početne bilansne pozicije koriste se bilansne pozicije pravnog slijednika Univerziteta u Sarajevu.

V

U skladu sa Zakonom o računovodstvu i reviziji u FBiH postupak finasijske konsolidacije se treba okončati u roku od 60 dana od datuma statusne promjene pripajanja.

VI

Sve promjene koje su se dogodile do dana upisa statusne promjene u sudski registar kod Općinskog suda u Sarajevu, odnosno do referentnog datuma za sačinjavanje bilansa na dan 01. 07. 2021. godine, čine tekući bilans fakulteta, akademija i naučnoistraživačkih instituta prije pripajanja.

VII

Svi poslovni događaji nastali prije dana upisa u sudski registar kod Općinskog suda u Sarajevu i prije referentnog datuma za sačinjavanje bilansa na dan 01. 07. 2021. godine obuhvataju se u finansijskim izvještajima prethodnih pravnih lica.

VIII

Referentni datum za sačinjavanje bilansa fakulteta, akademija i naučnoistraživačkih instituta, na osnovu kojih se vrši statusna promjena jest 01. 07. 2021. godine, a referentni datum za otvaranje „početnog bilansa“ integrisanog Univerziteta u Sarajevu je 01. 07. 2021. godine.

IX

Poslovne knjige fakulteta, akademija i naučnoistraživačkih instituta se zaključuju poslije knjiženja svih poslovnih promjena i obračuna na referentni dan 01. 07. 2021. godine.

X

Stanje utvrđeno na dan konsolidacije vezano za stanja po bruto bilansu fakulteta, akademija i naučnoistraživačkih instituta, se prenosi kao početno analitičko stanje podružnica Univerziteta u Sarajevu u poslovnim knjigama Univerziteta u Sarajevu.

XI

U cilju provođenja ove odluke obavezuje se Jedinica za internu reviziju Univerziteta u Sarajevu da u roku od 15 dana do dana donošenju ove Odluke sačini Instrukciju o načinu provođenja finansijske konsolidacije između fakulteta, akademija i naučnoistraživačkih instituta koji su pripojeni Univerzitetu u Sarajevu, a naročito u pogledu knjiženja potraživanja/obaveza u Fond za razvoj Univerziteta u Sarajevu.

XII

Na datum statusne promjene pripajanja, fakulteti, akademije i naučnoistraživački instituti imaju obavezu PDV-a i carinske preregistracije u skladu sa Zakonom o porezu na dodatnu vrijednost Bosne i Hercegovine.

XIII

Najkasnije u roku od osam dana od datuma statusne promjene pripajanja, fakulteti, akademije i naučnoistraživački instituti, dužni su Upravi za indirektno oporezivanje BiH dostaviti promjenu podataka iz Registra Uprave za indirektno oporezivanje BiH.

Fakulteti, akademije i naučnoistraživački instituti koji do datum statusne promjene pripajanja nisu bili u sistemu PDV-a Uprave za indirektno oporezivanje BiH, dužni su na izlaznim fakturama iskazati PDV broj pravnog slijednika Univerziteta u Sarajevu.

XIV

Od datuma statusne promjene pripajanja fakulteti, akademije i naučnoistraživački instituti Univerziteta u Sarajevu imaju obavezu primjenjivati stope amortizacije pravnog slijednika Univerziteta u Sarajevu.

XV

Ova odluka stupa na snagu danom donošenja i objavljuje se na internetskoj stanici Univerziteta u Sarajevu.

Fakulteti, akademije i naučnoistraživački instituti čiji je pravni slijednik Univerzitet u Sarajevu su obavezni na primjenu ove Odluke i drugih provedbeni akata, koji proizlaze iz iste.

A s tim u vezi, Upravni odbor je *jednoglasno*, sa 8 (osam) glasova „za“, dao i *s l j e d e ć e*

U P U T S T V O

**o provođenju usaglašavanja računovodstvenog stanja
fakulteta, akademija i naučnoistraživačkih instituta Univerziteta u Sarajevu za period
01.01. - 01. 07. 2021. godine**

I

Ovim Uputstvom bliže se uređuje provođenje radnji na usaglašavanju računovodstvenog stanja fakulteta, akademija i naučnoistraživačkih instituta Univerziteta u Sarajevu za period 01.01. - 01. 07. 2021. godine, a koje su organizacione jedinice Univerziteta u Sarajevu koje posluju putem Jedinstvenog računa trezora Kantona Sarajevo, obavezne izvršiti.

II

Organizacione jedinice su obavezne izvršiti sljedeće radnje:

- a) Evidentirati u sistem sve obaveze (prispijele račune), koje se odnose na period juni 2021. godine, a u skladu sa planom i raspoloživim sredstvima Budžeta za 2021. godinu, a najkasnije **do 07. 07. 2021. godine**. Redovne račune za 06/2021. (telefon, energija, komunalne usluge i dr.) je neophodno pribaviti od dobavljača energenta kako bi se iste evidentirale u navedenom roku.

- b) Usaglasiti knjigovodstveno stanje svih konta od klase 0 do klase 9, pojedinačno po bruto bilansu najkasnije **do 20. 07. 2021. godine**, kada se planira zatvaranje perioda. Ustanovljena pogrešna knjiženja ispraviti obrascem broj 3.
- c) Usaglašavanje knjigovodstvenog stanja izvršiti na način da je podgrupa 01 identična kontu 511111, da je podgrupa 02 identična podgrupi 52, da je konto 131111 i/ili 131211 jednak kontu 391191 za potraživanja od kupaca koja nisu utužena, izuzev ako su utužena potraživanja se moraju knjižiti na konto 131351 - Sumnjiva i sporna potraživanja, da je podgrupa 21 jednaka kontu 211911, da je podgrupa 22 jednaka kontu 221911, da je dugovna strana konta 511122 jednaka podgrupi 82, da je potražna strana konta 511122 jednaka podgrupi 81 i dr. Završno saldo klasa 1, 6 i 82 ne može biti potražno, a saldo klasa 3, 4, 7 i 81 ne može biti dugovno. Shodno naprijed navedenom, neophodno je posebnu pažnju usmjeriti na usaglašavanje stanja klasa 6, 7 i 8, kako bi izvještaj o izvršenju Budžeta za 01.01 - 30. 06. 2021. godinu bio fer i korektno iskazan, a direktno i konsolidirani izvještaj Univerziteta u Sarajevu.
- d) Ukoliko dođe do izvršenja uplate na depozitni račun, koja ne predstavlja prihod (npr. potraživanja od radnika za akontaciju, potraživanja za bolovanja preko 42 dana, refundacija ptt troškova, kao i ostale refundacije troškova, primici po datim kreditima ili depozitima i sl.), organizacione jedinice Univerziteta u Sarajevu su dužne odmah podnijeti zahtjev Ministarstvu finansija Kantona Sarajevo za prenos sredstava na transakcijski račun Kantona Sarajevo, zbog pravilnog evidentiranja poslovnih promjena.
- e) Dati naloge za knjiženje svih potraživanja po osnovu izlaznih faktura, a koja nisu naplaćena do 01. 07. 2021. godine, i to na analitička konta 131111/391191 (obrazac 3).
- f) Ukoliko je izvršeno knjiženje potraživanja od kupaca, a naplata istih izvršena putem depozitnog računa do 01. 07. 2021. godine, neophodno je izvršiti rasknjižavanje na analitičkim kontima 391191/131111 i/ili 131211 kako bi se zatvorila naplaćena potraživanja, odnosno potrebno je izvršiti usaglašavanje stanja pomoćnih knjiga KIF-a sa glavnim knjigom JRT-a (Jedinstvenog računa trezora).
- g) Preduzeti sve neophodne mjere za naplatu potraživanja od radnika, pravnih lica (kupaca), pozajmica i dr.
- h) Izvršiti pravdanje datih akontacija radnicima za službena putovanja.
- i) Neophodno je knjigovodstveno evidentirati potraživanja za refundacije troškova po zahtjevima izdatim od strane nadležnih institucijama (kao što su bolovanje preko 42 dana, refundacije za plaće pripravnika, osiguranje radnika i sl.) – (obrazac 3).
- j) Sve organizacione jedinice Univerziteta u Sarajevu treba da vode računa o nalogima za plaćanje i knjiženje na način da se pridržavaju Budžeta Kantona Sarajevo za 2021.godinu, koji je urađen i po funkcionalnoj klasifikaciji.

III

Ovo Uputstvo je obavezujuće za sve organizacione jedinice Univerziteta u Sarajevu čiji je pravni slijednik Univerzitet u Sarajevu.

Oslonom na radnje koje je neophodno preduzeti u postupcima nakon sudske preregistracije Univerziteta u Sarajevu i organizacionih jedinica, članovi Upravnog odbora Univerziteta u

Sarajevu su konstatirali da Upravni odbor daje saglasnost rektoru Univerziteta u Sarajevu u provođenju svih operativnih radnji nakon sudske preregistracije u skladu sa donesenim rješenjima Općinskog suda u Sarajevu o izmjenama podataka u sudskom registru Univerziteta u Sarajevu i organizacionih jedinica od 01. 07. 2021. godine (statusne promjene - brisanje, osnivanje i pripajanje), a shodno relevantnim propisima kojima se te radnje utvrđuju.

Ad-4.

U okviru *tačke 4.* otvorena je kraća diskusija u kojoj su uzeli učešće: gđin. Sifet Kukuruz i prof. dr. Jasminka Gradašević-Sijerčić. Nakon diskusije članovi su se usaglasili da je neophodno u dostavljenom Prijedlogu Zaključka ukloniti postojeći stav (5).

Nakon kraće diskusije, Upravni odbor je *jednoglasno*, sa 6 (šest) ¹glasova „za“, donio *s l j e d e ć e*

ZAKLJUČKE

1. Obavezuju su organizacione jedinice integrisanog Univerziteta u Sarajevu, da u cilju osiguranja kontinuiranog provođenja javnih nabavki, najkasnije do 20. 07. 2021. godine, utvrde prijedloge izmjena i dopuna plana nabavki za 2021. godinu i to u dijelu koje provode organizacione jedinice Univerziteta u Sarajevu.
2. Prijedlozi izmjena i dopuna planova nabavki organizacionih jedinica treba da sadrže planirane postupke nabavki roba/usluga/radova koje će provoditi organizacione jedinice integrisanog Univerziteta u Sarajevu u periodu 01. 07. - 31. 12. 2021. godine.
3. Vrstu postupka utvrditi će stručne službe Univerziteta u Sarajevu na osnovu zbirne vrijednosti istovrsnih roba/usluga/radova na nivou integrisanog Univerziteta u Sarajevu.
4. Zadužuju se organizacione jedinice da imenuju odgovornu osobu ispred organizacione jedinice, koja će sa stručnim službama Univerziteta koordinirati procese izmjene/dopune plana javnih nabavki.
5. Prijedlozi izmjena i dopuna planova nabavki dostavljaju se Upravnom odboru na dalje razmatranje i usvajanje.

Audiozapis sa 7. vanredne sjednice Upravnog odbora Univerziteta u Sarajevu pohranjen je u arhivi Univerziteta u Sarajevu i čini sastavni dio Zapisnika.

Sjednica je završena u 15:00 sati.

**PREDSJEDNIK
UPRAVNOG ODBORA**

Dr. sc. Murat Ramadanović

Zapisničar:

Belma Hajradinović, MA prav

¹ Dva člana Upravnog odbora (prof. dr. Abidin Deljanin i predstavnik studenata) su napustili sjednicu Upravnog odbora, u okviru tačke 4 i o datom prijedlogu se nisu izjasnili.

ME